

前南京格致書院師生旅京坐館者有二十餘人。日前由大學堂教習周君及蘇學堂校長李君組織一格致同學會。凡當年同學家居無事者。由會中代為推薦。子弟貧不能存者為之撫育。而有館殿者。月提薪金若干。存放信成儲蓄銀行。以為會款基礎。聞下禮拜即開會實行。已致信申蘇南京各同學。以共謀發達該會之方矣。

衍聖公協理山東學務

南方報

前某侍御奏參東撫現在實行尊孔。朝廷宜稍予衍聖公以學務之權。而衍聖公孔令貽條陳學務亦頗中肯。故有協理山東全省學務之旨。

廣東學務仍飭認真籌辦

南方報

周玉帥現接學部咨文。略謂准前署督彙送學堂表冊咨請察照等因。前來該省風氣早開。辦理學務。自較他省易於著手。查學堂表冊。僅載校名校地及成立年月。而學科課目。學堂經費。暨學生年齡班級。概未列入。不便稽核。員司但列監督堂長及承辦員紳。不列教員。亦屬詳略失宜。應飭補報。以臻完備。揭陽縣小學多至七十三處。學生多至二千八百名。各州縣皆遠不能及。雖財力各有盈絀。地方情形略有異同。應飭一律仿照推廣。至花縣長甯永